

9. RAPPORT VAN DIE DEPUTATE KORRESPONDENSIE VAN DIE AGENDA (Art 8)

- A. Br HSJ Vorster stel die Rapport.
- B. **Besluit:** Die Rapport word staande die Sinode afgehandel.

C. RAPPORT

1. Opdrag

Acta 1991:60, 5.4 en Acta 1997:37, 3.3.12.2.

- 1.1 Uitnodiging aan kerke, instansies, Sinodes om groete oor te bring
- 1.2 Uitnodiging te rig om afgevaardigdes te stuur
- 1.3 Uitnodiging te rig om waarnemers te stuur
- 1.4 Stukke vir die Agenda te ontvang, te orden, persklaar te maak, te laat druk en aan die afgevaardigdes te stuur
- 1.5 Die vergadering byeen te roep om die programmering van die Agenda te doen
- 1.6 SAPA en CNW van die Sinodesitting in kennis te stel
- 1.7 *Benoeming van Deputate*
 - 1.7.1 Verwittig benoeme Deputate van die Sinode van hul benoeming
 - 1.7.2 Benoem Deputate waar die Sinode in gebreke gebly het om dit te doen
- 1.8 Tref reëlins dat groete namens die Gereformeerde Kerke van die Nasionale Sinode oorgebring word
- 1.9 Gaan die Handeling van die Nasionale Sinode 1997 deur en gee die sake wat by die Algemene Sinode tuishoort, vir kennisname en behandeling deur. Die Deputate moet ook die kredensiebrief, soos gereël in Sinode 1991, in orde kry
- 1.10 Benoeming van 'n korrespondent vir Radio- en TV-nuusversameling
- 1.11 Registrasie van huweliksbevestigers uit ander Nasionale Sinodes deur die Administratiewe Buro op Potchefstroom
- 1.12 Die Deputate ontvang korrespondensie, hanteer dit sover dit binne hul opdrag val, of verwys dit na ander Deputate wat wel die betrokke saak hanteer.

Besluit: Kennis geneem.

2. Sake waarvan die Sinode moet kennis neem

- 2.1 *Uitnodiging na die Sinode*
 - 2.1.1 Om groete by die amptelike opening oor te bring: Waarnemers van die NG Kerk, NH Kerk en AP Kerk is genooi na die amptelike opening op 4 Januarie 2006 om 19:00 in die Gereformeerde Kerk Potchefstroom-Noord by welke geleentheid ook die groete van die Kerke oorgebring sal word. Die waarnemers is ook genooi om die Sinode by te woon.
 - 2.1.2 Om die amptelike opening by te woon: Die afgevaardigdes van Sinodes Middellande en Soutpansberg asook die rektore van die Teologiese Skool Potchefstroom en die Noordwes Universiteit (Potchefstroom kampus) is uitgenooi na die amptelike opening, maar geleentheid sal ingeruim word gedurende die Sinode om die groete van die vergaderings en instansies oor te bring.
 - 2.1.3 Om afgevaardigdes te stuur
Aan die volgende Deputate van Sinodes of kerke is uitnodigings gerig:
 - Sinodes Middellande en Soutpansberg (2 afgevaardigdes)
 - Christelike Gereformeerde Kerke in Nederland
 - Christian Reformed Church in North America

- Free Church of Scotland
- Reformed Church in Botswana
- Nederlands Gereformeerde Kerken
- Christian Reformed Churches of Australia
- Reformed Churches of New Zealand
- The Kosin Presbyterian Church in Korea
- The Reformed Church in Japan
- Eglise Reformee Zaïre

2.1.4 Om waarnemers te stuur:

- Afrikaanse Protestante Kerk
- Die Vrije Gereformeerde Kerk in SA (een)
- Free Church of SA (een afgevaardigde)
- Gereformeerde Kerke in Nederland (V)
- Lanka Reformed Church
- Nederduitsch Gereformeerde Kerk
- Nederduitsch Hervormde Kerk van Afrika
- Orthodox Presbyterian Church, VSA

Besluit: Kennis geneem.

2.2 *Stukke vir die Agenda*

2.2.1 Die volgende is in kennis gestel van die besonderhede aangaande die oproep na Sinode:

- die Deputate deur die Sinode benoem wat spesifieke opdragte gehad het
- die Kuratorium van die Teologiese Skool
- die Partikuliere Sinodes.

Die volgende inligting is gegee:

2.2.1.1 Keerdatum vir Rapporte

- vir Agenda - 30 Junie 2005.
- vir die Aanvullende Agenda - 5 November 2005.

2.2.1.2 Keerdatum vir stukke van die Partikuliere Sinodes – 7 dae na afloop van Partikuliere Sinode vergaderings.

2.2.1.3 Inligting oor wat in die Aanvullende Agenda opgeneem mag word (Acta 1967:39, 6 en 7).

2.2.1.4 Riglyne vir die opstel van die Rapporte (Acta 1991:57, 4.4 en 59, 5.3.4).

2.2.2 Kennisgewing in *Die Kerkblad*: Bogenoemde inligting is in *Die Kerkblad* van Junie 2005 gepubliseer.

2.2.3 Die Agenda vir die afgevaardigdes van die Partikuliere Sinodes is direk aan elke Partikuliere Sinode gestuur sodat dit aan die afgevaardigdes beskikbaar gestel kan word. 'n Agenda is ook aan elke kerkraad gestuur.

Besluit: Kennis geneem.

2.3 *Benoeming van Deputate deur die Partikuliere Sinodes*: Die Partikuliere Sinodes is versoek om:

2.3.1 Die Deputate vir Programmering te benoem – een uit elke Partikuliere Sinode asook 'n sekundus. Die vergadering vir dié Deputate is bepaal vir Vrydag 2 Desember 2005 om 09:00.

2.3.2 Benoeming vir Regsdeputate vir Advies insake Appèlle en Beswaarskrifte: In terme van die Beskrywingspunt van Partikuliere Sinode Noord-Transvaal (Acta 1991:539/540, 22.19) is die Partikuliere Sinodes ook versoek om een Deputaat te benoem. Hierdie Deputate vergader 5 Desember 2005 om 09:00.

Besluit: Kennis geneem.

2.4 *SAPA en CNW*: 'n Persverklaring is opgestel en uitgereik en aan SAPA en CNW gestuur.

Besluit: Kennis geneem.

2.5 *Persverklaring*: Die Agenda word op versoek beskikbaar gestel met die voorbehoud van kopiereg totdat die saak tydens die Sinode gestel word.

Besluit: Kennis geneem.

2.6 *Benoeming van Deputate*: Die Deputate het die volgende gedoen:

2.6.1 Al die voorsitters van Deputate soos deur die Sinode aangewys, kennis gegee van die benoemings. Opdragte soos by die benoemings aangegee, is aan die voorsitters deurgegee.

2.6.2 Deputate benoem waar die Sinode in gebreke gebly het om dit te doen: Geen gevalle het voorgekom nie.

Besluit: Kennis geneem.

2.7 Gaan die Handeling van die Nasionale Sinode 2003 deur en gee die sake wat by die Algemene Sinode tuishoort, vir kennisname en behandeling deur: Geen sake het voorgekom nie.

2.8 Benoeming van 'n korrespondent vir Radio- en TV-nuusversameling: Die Administratiewe Buro hanteer die saak op 'n deurlopende basis deur nuusberigte aan CNW, Radio Pretoria en NBC te stuur.

2.9 Registrasie van huweliksbevestigings uit ander Nasionale Sinodes deur die Administratiewe Buro op Potchefstroom: Die opdrag word op 'n deurlopende basis uitgevoer.

2.10 Die Deputate ontvang korrespondensie, hanteer dit sover dit binne hul opdrag val, of verwys dit na ander Deputate wat wel die betrokke saak hanteer. Die opdrag word op 'n deurlopende basis uitgevoer.

Besluit: Kennis geneem.

3. Sake waarvoor die Sinode moet besluit

Kredensiebriewe – Algemene Sinode: Die Deputate beveel aan dat die Sinode oorweging daaraan skenk om afgevaardigdes aan te wys sou daar voor 2007 'n Algemene Sinode plaasvind.

Besluit: Verwys na Moderamen. (Die saak word ondervang deur die Rapport Deputate oor KO, art 48 by Kerkregtelik.)

4. Finansies

Die Agenda en Aanvullende Agenda is deur die Administratiewe Buro saamgestel, gedruk en gebind. Die koste daarvan is teen die begroting vir die Sinodekoste gedebiteer. Om koste bespaar is dit weer in A4-formaat gedupliseer.

Besluit: Kennis geneem.

5. Hantering van Kommissierapporte en Notule

Om die Handeling maklik saam te stel word versoek dat dieselfde verwysings gebruik word soos wat dit in die Agenda en Aanvullende Agenda aangegee word, bv. Agenda = A, en Aanvullende Agenda = AA. Gestel die Rapport van die Deputate vir Emeritaatsversorging is in die Agenda 12.1, dan sal dit in die AA ook 12.1 wees. Die Kommissie rapporteer en verwys na A12.1 en AA12.1. In die Notule word dan by elke artikel die saak ook so aangegee, nl.:

Artikel 26

A 12.1 Rapport Deputate vir Emeritaatsversorging

AA 12.1 Aanvullende Rapport.....

Besluit:

Dit sal veroorsaak dat regstellings maklik op die woordverwerker aangebring en die besluite daarvoor ingevoeg word. 'n Kronologiese lys van artikels word gegee en 'n indeks saamgestel.

Besluit: Kennis geneem.

D. AANVULLENDE RAPPORT

1. Sake waarvan die Sinode moet kennis neem

1.1 Groetebodskappe ontvang vir die amptelike opening

1.1.1 Die volgende persone het groetebodskappe gestuur wat in die Handeling opgeneem sal word:

- Groetebodskap van die Rektor van die Teologiese Skool Potchefstroom
- Groetebodskap van die Nederduitsch Hervormde Kerk van Afrika
- Groetebodskap van die Afrikaanse Protestantse Kerk

Besluit: Kennis geneem.

1.2 Uitnodiging om 'n waarnemer/afgevaardigde te stuur

1.2.1 Geen antwoord is van die volgende ontvang nie:

Waarnemers

Free Church in SA

Presbyterian Reformed Church

Lanka Reformed Church

Reformed Church in the US

Afgevaardigdes

Nederlands Gereformeerde Kerken

The Reformed Church in Japan

The Presbyterian Church in Korea

Gereformeerde Kerk Botswana

Antwoord van die Christian Reformed Church (CRC) op GKSA se uitnodiging

Die Christian Reformed Church in North America bedank die GKSA vir die uitnodiging en dui aan dat dit om verskeie redes nie moontlik is om die uitnodiging op te volg nie. Groete is wel van die CRC ontvang saam met die bede dat die Heilige Gees hierdie Sinode sal lei in sy besprekings sodat Christus in en deur hierdie samekoms geëer sal word. Groot waarde word deur die CRC geheg aan hul verbintenis met die GKSA.

Besluit: Kennis geneem.

1.3 Benoemings van Partikuliere Sinode

1.3.1 Regsdeputate vir Advies insake Appèlle en Beswaarskrifte

Die volgende benoemings is ontvang en aan die voorsitter, ds PA Coetzee deurgegee:

Bosveld

Ds SA Cilliers

Noordwes

Ds PW Kurpershoek

Oostelike

Dr AJ Krüger

OVS en Natal

Ds JJ de Kock

Pretoria
Randvaal
Suidelike

Ds HJP de Beer
Dr JH Howell
Ds J Malan

Die ander lid benoem deur Sinode 2003 is ds RM van der Merwe.

Besluit: Kennis geneem.

1.3.2 Deputate vir Programmering

Die volgende benoemings is ontvang en aan die voorsitter, ds LH van Schaik deurgegee:

Bosveld	Ds SA Cilliers
Noordwes	Ds W Vogel
Oostelike	Ds J van Schaik
OVS en Natal	Ds TJ van Vuuren
Pretoria	Oudl WJ Cilliers
Randvaal	Dr D Lartz
Suidelike	Ds D Pansegrouw

Die ander lede benoem deur Sinode 2003 is di CA Jansen en PD van Dyk.

Besluit: Kennis geneem.

1.4 *Skryfbehoeftes vir Sinode*

Sanlam voorsien skryfbehoeftemateriaal.

Besluit: Met dank kennis geneem van die skenking van Sanlam.